

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 259473 25 St
Zenica, 7.10.2025. godine

Općinski sud u Zenici, stečajni sudija Samra Spahić-Drino, odlučujući o prijedlogu za provođenje stečajnog postupka nad stečajnim dužnikom PRIVREDNO DRUŠTVO BOSKOR GROUP d.o.o. Zavidovići, ul. Dubravica broj 100, Zavidovići, matični registarski broj subjekta upisa 43-01-0006-15, dana 29.9.2025. godine, donio je:

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam u iznosu od 3.000,00 KM za obezbjeđenje troškova stečajnog postupka, na depozitni račun ovog suda broj: 134-010-0000044837 otvoren kod ASA Banke d.d. Sarajevo, Poslovna jedinica Zenica, te da po izvršenoj uplati predujma sudu dostave uplatnicu pozivom na broj ovog predmeta, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom društva PRIVREDNO DRUŠTVO BOSKOR GROUP d.o.o. Zavidovići, ul. Dubravica broj 100, Zavidovići, matični registarski broj subjekta upisa 43-01-0006-15, te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Obrazloženje

Predlagač PRIVREDNO DRUŠTVO BOSKOR GROUP d.o.o. Zavidovići, ul. Dubravica broj 100, Zavidovići, matični registarski broj subjekta upisa 43-01-0006-15, podnio je ovom sudu 12.6.2024. godine prijedlog za otvaranje likvidacionog postupka. Nakon prijava potraživanja od strane povjerioca Porezne uprave F BiH, Kantonalni porezni ured Zenica u iznosu od 280,45 KM, te dostavljenog izvještaja u kojem je likvidator naveo da postoji neizmireno potraživanje prema povjeriocu „DRVEX“ d.o.o. Žepče u iznosu od 5.714,67 KM, likvidator je na ročištu izjavio da nema imovine te da podnosio prijedlog za pokretanje stečajnog postupka.

Likvidator je u toku likvidacionog postupka dostavio izvještaj o ekonomsko-finansijskom stanju društva u kojem je naveo da društvo ima obaveze prema Porezne uprave F BiH, Kantonalni porezni ured Zenica u iznosu od 280,45 KM, povjeriocu „DRVEX“ d.o.o. Žepče u iznosu od 5.714,67 KM, da nema nepokretne imovine, nema pokretne imovine, da na bankovnom računu nema novčanih sredstva, a račun je blokiran.

Likvidator je na ročištu za ispitivanje uvjeta za otvaranje stečajnog postupka održanom 29.9.2025. godine izjavio da je po objavljivanju oglasa prijavu potraživanja podnijela Porezna uprava F BiH Kantonalni porezni ured Zenica u iznosu od 280,45 KM, da je utvrdio da postoje neizmirene obaveze prema povjeriocu Drvex d.o.o. Žepče, ulica Ponijevo bb i to po osnovu rješenja o izvršenju Općinskog suda u Zavidovićima broj 42 0 Ip 066538 24 Ip od 16.05.2024. godine u iznosu od 5.714,67 KM sa potraživanim zakonskim kamatama, da društvo ne posjeduje pokretnu i nepokretnu imovinu, da je račun blokiran odnosno da postoji nenaplaćeno izvršenje za povjerioca Drvex d.o.o. Žepče i ne postoje nikakva gotovinska sredstva koje bi se moglo upotrijebiti za namirenje povjerilaca. Likvidator je dalje izjavio da su ispunjeni uslovi za otvaranje stečajnog postupka jer društvo u dužem vremenskom periodu ne izmiruje svoje dospjele obaveze odnosno da nije likvidno za dalje poslovanje niti je u mogućnosti izmiriti potraživanja odnosno dospjele obaveze zbog čega predlaže da sud otvori stečajni postupak i pozove povjerioce da uplate iznos od 3.000,00 KM za vođenje stečajnog postupka.

Sud je odlučio kao u izreci iz sljedećih razloga.

Kako stečajni dužnik ima obaveze, a nema imovine, pa ni za pokriće troškove stečajnog postupka, to je sud primjenom odredbe člana 102. stav 7. i 8. Zakona o stečaju („Službene novine F BiH“, broj: 53/21), pozvao povjerioci i zainteresovana lica da predlože otvaranje stečajnog postupka i predjme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ukoliko su zainteresovani za vođenje stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka, imajući u vidu da prema izvještaju likvidatora stečajni dužnik nema imovine za pokriće troškova stečajnog postupka.

S obzirom na izloženo odlučeno je kao u izreci ovog rješenja primjenom odredbe članu 102. stav 7. i 8. Zakona o stečaju, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

PRAVNA POUKA:

Protiv ovog rješenja nije
dozvoljena žalba.

Stečajni sudija:

Samra Spahić-Drino